



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1483/11  
Sarajevo, 15.1.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 16.01.2013

Organizaciona jedinica	Klasifikaciona oznaka	Redni broj	Broj priloga
01-50-1-	15-	7/19	

**PARLAMENTARNA SKUPŠTINA BiH**

*- Zastupnički dom -*


**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 34. sjednici održanoj 11.1.2013. godine, utvrdilo je Odgovor na zastupnička pitanja koja je postavio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1483/11  
Sarajevo, 11.1.2013. godine

Šemsudin Mehmedović, poslanik u Predstavničko domu Parlamentarne skupštine Bosne i Hercegovine, na 7. sjednici Predstavničkog doma održanoj 27.7.2011. godine, postavio je sljedeće poslaničko pitanje:

„Evropska unija je takođe uvela poseban porez na šljivu iz BiH kao zaštitnu taksu i to samo sezonski, tj. u vremenu sazrijevanja i eventualnog izvoza šljive iz BiH u EU. Ovdje se radi takođe o kršenju odredaba Sporazuma o stabilizaciji i pridruživanju, te je pitanje – Šta će Vijeće ministara poduzeti po ovom pitanju, tj. koje kontramjere će eventualno uvesti?“

Na postavljeno pitanje, Vijeće ministara Bosne i Hercegovine je na 34. sjednici održanoj

11.01.2013. godine, utvrdilo sljedeći

**ODGOVOR**

Evropska Komisija je Uredbom (EU) No 543/2011 od 7. juna 2011. i Uredbom (EU) No 671/2011 od 12. jula 2011. na bazi Uredbe Vijeća (EC) No 1234/2007 od 22. oktobra 2007. koja osniva zajedničku organizaciju poljoprivrednog tržišta i odnosi se na specifične odredbe određenih poljoprivrednih proizvoda, za period od 11. juna do 30. septembra 2011. godine, uvela specifičnu carinu koja se naplaćivala prilikom uvoza u EU (nekoliko) proizvoda porijeklom iz BiH, među njima i šljive iz tarifne oznake 08094005. Treba napomenuti da je ovim regulativama uveden režim plaćanja carina i za neke robe porijeklom iz drugih zemalja (koje nisu EU članice), ne samo porijeklom iz BiH.

Inače, slobodan uvoz u EU ovih roba do kraja 2010. godine bio je regulisan Uredbom Vijeća (EC) No 2007/2000 od 18. septembra 2000. godine kojom su uvedene posebne Autonomne trgovinske mjere za zemlje Procesu Stabilizacije i Pridruživanja. Ova Uredba je važila do 31. decembra 2002. i produžavana je dva puta: prvi put od 2002. do 2005. godine i drugi put od 2005. do 2010. godine (Uredbom 1215/2009).

Od 01.01.2011. godine, Autonomne trgovinske mjere od strane EU prestale su da važe. Od tada su se (za zemlje Procesu Stabilizacije i pridruživanja, a time i BiH) počele primjenjivati važeće odredbe Sporazuma o stabilizaciji i pridruživanju/Privremenog sporazuma između Bosne i Hercegovine i Evropskih zajednica, Član 12. stav 1. alineja 2, koji glasi: „Za proizvode obuhvaćene poglavljima 7 i 8 kombinirane nomenklature, za koje Jedinствена carinska tarifa predviđa primjenu *ad valorem* carina i specifičnih carina, ukidanje se primjenjuje samo na *ad valorem* dio carine.“ Šljiva iz tarifne oznake 08094005 potpada pod poglavlje 8 CN.

Ovo znači da su se odredbe SSP / PS primjenjivale u cijelosti, te da se na uvoz roba u EU porijeklom iz BiH naplaćivala specifična carina, a u slučaju šljive ona je vezana za vrijednosti na 100 kg proizvoda i dodatno od perioda uvoza.

Ministar vanjske trgovine i ekonomskih odnosa BiH je uputio pismo nadležnim EU organima sredinom jula 2011. godine tražeći obnavljanje Autonomnih trgovinskih mjera za robe BiH porijekla, a sredinom septembra 2011. godine održan je sastanak na ekspertskom nivou predstavnika Bosne i Hercegovine i Evropske Komisije, na kojem su naši predstavnici ponovili ovaj zahtjev. Predhodno, ovaj zahtjev BiH predstavnici podnijeli su i na sastanku SSP/PS Poodbora za trgovinu, industriju, carine, poreze i druga trgovinska pitanja, održanom u martu 2011. godine i na sastanku SSP/PS Privremenog odbora održanom u junu 2011. godine.

Autonomne trgovinske mjere za zemlje u procesu pristupanja Evropskoj uniji obnovljene su tek krajem 2011. godine Uredbom broj 1336/2011, Evropskog parlamenta i Vijeća EU od 13. decembra 2011. godine, koja je objavljena u Službenom listu EU broj L 347 od 30. decembra 2011. godine i važiće za period 2011. do 2015. godine. Zemlje Zapadnog Balkana će nastaviti, retroaktivno od 1. januara 2011. godine da koriste neograničeni bescarinski pristup tržištu EU odobrene ovim mjerama, odnosno mogu da koriste ATM tamo gde je povoljniji od carinskog tretmana predviđenog SSP.

Stupanjem na snagu ove Uredbe oni privrednici BiH koji su platili navedene dažbine su stekli pravo na refundiranje plaćenih carinskih dažbina na izvoz u EU u 2011. godini, koje su uvedene Uredbom (EU) No 543/2011 od 7. juna 2011. i Uredbom (EU) No 671/2011 od 12 jula 2011. na bazi Uredbe Vijeća (EC) No 1234/2007 od 22. oktobra 2007. godine. To se odnosi, prije svega, na izvoznike u EU voća i povrća, a izvoznici mogu da podnesu zahtjeve za naknadu za naplaćene dažbine za poslove realizovane u 2011. godini.